

五百四峯堂詩鈔

五百四峯堂詩鈔

卷二十三

順德黎 簡簡民撰

癸丑年

五日其詹從杏壇邨來問予北上消息肯

畱二日

客子入門梅已殘故人相過又春寒不成良會非
天意小逆風潮已路難拜毋舊知君孝感抱兒新
爲我心安行期北轍違燕雪亦似南鴻出庾關

未句

是用
通韻

泥滯行其詹歸後却寄

泥滯復泥滯春雲夢黑雨粉細瑣牕春夢遠於天
小樓凍雲低帖地昨日君歸是人日去時小病寒
宜睡何人得知爾與我人日懷人夢中事大鳥峰
色一縣鳥青螺嶂尖青寸無酸風酸眼眼力短但
見飽帆氣勢却退飢飛鳥鳥啼查查一何好定是
來白衆香亭外堦下梧慈鳥返巢汝叩廬烟水滃
裴冰在鬚入門晚食開艸閣山妻呼燈兒課書君

懷作惡還望遠遠有蔽翳無空虛是時應憐病樵
夫自君之歸眇愁予竹枝已高受風緊蕉葉漸長
彈平聲雨麤抱兒反側自無力學語一二差可娛幾
日新年舊年內兩事傷別傷春俱泥滯行行泥滯
脚軟泥深出無計晴須片席掛白雲吟弄春江破
柔翠

中園晴玩有作

殘冬日歸早春雨十日始晴春有芳海棠日暎玉
肌紫叢桂月垂金粟黃碧桃欲輕緋桃重荷葉稍

圓蕉葉方柚樹多花慢霜白蜜蜂成陣湧雲香

柚花

最多花時
峰又最多

經營書牘

亦既勞生有此廬固當插架安吾書雜耕稍緩牛
宮祝棄妹無爲鼠壤餘竈北經年惟坐版劍南他
日重行厨知非盜守局重鐫爲厥孫謀充一間

棄妹

莊子語子以爲必是棄妹
之誤已於注莊辯証之

過李潛夫新築山園歸日畱題

時二月初旬

梅夢庵中夢梅老

以吳仲圭畫
册名小庵

無花多葉夢深深

庵環擅場前輩吳生古尚友多生懶瓚今月樹雲
蘿寫寒影石蘭山若極幽心花邨三曲芙蓉水夜
夜春波板屋陰

後園小屋關西牖

層葉繁英覆翠紅光雲遲日晚玲瓏忽窺竹外新
花當未及瓜期舊架空西嶺不私今夜月北牕分
許古時風未妨肺病秋增熱熱在微塵十丈中

碧桃初開

百里春林繡落霞滿帆紅雨昨還家苦吟傷別茫

茫緒日暮天清澹澹花居士髮膚香不染美人淖
約嬌無邪從來已得根塵淨花致公所貽煙霧何能法
眼遮

北風

北風翻海雲雲重雨輪囷雨益山泥醉花顛春赤
貧離懷天外水怨緒水中蘋蘋草汀洲綠江南得
句人

仇滙洲相過作歌

廿年之別夢見之廿番風花天上吹花飛萬點絮

萬絢

九遇切

君行掩映影銀髭此來村中正作劇撞

鐘伐鼓聞叢祠隔花翠袖出舞榭照波鴻影翔水

嬉未能內外空所有人海遂迂毘耶離中園破屋

設君楊與爾一靜應衆宜細論與君相善時君有

子吾未有妻君方賦遇希有鳥人曰殺此大布衣

十年長我者隱矣我四十七亦何爲中閒卅載一

迴首咨嗟對面雙涕頤今未必是昨已非君則抱

孫吾始兒向來哀樂多自擾今夕酒杯安足辭君

住海東吾海西海中山青青欲飛兩處相思或相

望此山朝暉移夕暉海風十里吹水月村瓦一碧
塗銀泥君歸江亭擁衾夜我病惜君寒咏詩

客散

村中祈年
賽劇了

雨從花上來花落竹根杯客散鳥歸樹歌闌雲占
臺孤村二月水萬觴一聲雷有樂無荒事云云苗
可栽

桃花下作

花事遲遲二月中蹇誰留汝釀深紅軟波膩竹蕊
隴日暄重寒輕煦始風好鳥飛來無獨語箇儂粧

罷稱相逢去年烟雨遭嘲謔

壬子有嘲桃花詩

努力今年

慰病翁

邨行幽處見碧桃欹岸照水

臨水登山古別心
頽垣空屋綠蘿陰
阿誰送汝已厓返
獨立逃虛聞足音
人氣溫靡寒畏月
春風尖側歎彌襟
官奴消得橫波目
江汜空歸下定金

松栽

再熟膏田熟六回
不如松蒔一回栽
三年點子今年賣

點松子以映田三年可賣

細雨深花細艇來
陵谷幾時才

尺咫雲霄何處養風雷先生三徑盤桓地松自誰
移徑自開

松風

天青日已西溪春風自東東風自吹萬及我四高
松松高易爲響百家聞夜鐘冥冥花竹影夢墮清
寒中褰帷警山月笙鶴行虛空

商榷爲小山

湖上萬花園小山周堂激激水三灣欒櫚夜雨高
彈瓦楊柳春波矮設關騷客薜蘿宜窈窕畫師心

手易孱顏要施匠意防傷巧遠割雲根不厭頑

戲咏殘燭

八面玲瓏萬炬稠
留仙難得避風樓
洞房夢裏春
天曙樂部堂坳纈
眼愁煙霧深蒙五侯宅
珊瑚真可兩炎洲
誰知雪月窮簷客
不厭寒光養炯眸

贈胡蝶

胡蝶團團金縷衣
羣飛如攪萬花飛
茫茫柳絮春雲熱
緩緩車塵新婦歸
二十四番風信雨
恒河沙界化身饑
香魂天鼠難爲肉
飛燕相當太覺肥

園中小室置酒二首

古巷深深西日偏
西牕漸明花漸烟
桃花低笑勸人飲
送影入杯明欲然

良會今年此一回
雲光廓廓晚晴雷
今年莫說去年雨
花動衣寒今雨來

碧桃花下贈友人作

天色雲光爲汝春
春風多欲瘦無身
銷魂去去璇源急
贈句朝朝瓊樹新
寒夜宜偎賣珠婢
獨醒須避浣茵人
主翁與客清齋內
天女精巖示現真

鷄鳴

深巷復深花鷄鳴阿那家
松明歇吠蛤簾響散飢
鴉出作僕誠苦少安吾有涯
春星碧無角淡淡歛
光華

伐木作

溪南荔枝數百年一日伐之吾惻然
年年作花不作果碩果乃在根下
孫先君昔常臨水邊白髯赤
藤青袷禪常云此樹生意盡轉愛厥孫
生意繁元明以還高曾前樹德倘兆吾清門
囑須度材未忍

度恐有前代摩抄痕夜風摧枯落水底水面壑架
坳堂船種年不記記伐日三月戊申吾吉蠲是日
雲景林光暄枝葉中外風色寒仰視清冷雙眼酸
原頭柞人燒紙錢纔發十尋老鬼庭去聲忽入萬里
倉浪天孫高二丈徑半尺子結千顆青漸圓亭亭
已同張翠蓋鬱鬱又覺黏祥烟欲強先弱予先奪
此理不反道者言遂豐我蔀隆我棟或高辛楣擗
蕙櫨魂靈安止風雨古風雨花梢看屋山屋上慈
烏爲誰好屋底寢處清而便

和答笑山人感去年夢禊之作

禊事前番有夢吟
新來無夢憶傷心
益風益雨春
仍醉流水流年昔
勝今柳似峰尖數
峰亂江吞天
白四天陰晴須並
日邀君飲飲罷落
花三寸深

餞春

春老得春晴
春風自不平
花翻知有淚
柳重詎勝
情幾日遙傷別
殊天真遠行
蘭臺本愁絕
何獨賦
秋清

和友人寒食

中年寒食倍心悲
少壯心非少壯時
風雨棠梨今故鬼
澧沅蘭芷昔新知
尊前薤露歌如哭
身後揚雲我已誰
還是自愁還作達
行須詹尹決斯疑

暮春

雲舊雨風新闌珊作暮春
睡剛陰送夜吟輒苦侵晨
去日頻辭我餘花低怨人
故交還勸駕未曉角

雙輪

是日得友人問北行札

寄贈萬明府華亭

應馨

新寧縣二十七韻

指危風轉高弦淒秋益緊絕吭不成聲
迴腸爲誰

盡萬侯東南美嘉箭陳越箇側身雲霄濶仰面日
月近先人三都賦餘波一手引屈注瀛壖流沃焦
飲虛牝屢薦須山濤百里觀海蜃吏道迫有拘宦
術拙來哂踊金募千鄒卑叢疑鷹隼瓜田驗君子
豆架訪楊惲得君兩據梧比去聲我久不筍員枘諧
刳觚方流釣深韞一囊披險膽萬頃赴燥吻我憶
黃仲則有死聞無隕此君萬侯匹齊名千首敏出
宰美強項無質悼聖準神交仲黃泉心醉公清醞
氣接磁歛鍼吟苦蜩憶蚓瓠落閒去聲有蓬雲逐走

絕臚海縣晝昏昏水鄉春泯泯君去烹小鮮吾歸
酌中隱離懷積飛動暄旭感蠓蠕風逸紛翹肖疵
癘獨墮_{子時病疥}朱愚老南榮觥觥夢北勒軼塵旣
不能舐犢又不忍良馬未脫銜上路請言畛長短
何適從行歌問詹尹

慈度寺茶話

踞涼玩芳草芒芴動旃檀日爲蟬聲暮松滋雲色
寒山尖天未出墻外竹梢看精舍公須借吾來護

我蘭

以蘭寄
寺中

春盡

岸曲花藏月門斜水見燈
雨池深閣閣窓昏外
翳
春
晚
如
殘
夢
心
齋
已
定
僧
於
何
送
長
夏
修
竹
架
蒼
藤

適野

地僻春雲落沙平晚日高
歸人有年所逝者自風
濤
苔
短
飢
魚
苦
枝
柔
乳
燕
勞
無
機
亦
無
病
吾
與
汝
相
遭

落日

落日濶蒼蒼天沙得日長芙蓉寫江色蘆葦送村涼
西雨沉綿黑東流兀岸黃行吟慚向詠花占讀
書床

朝詠

四月四日作

朝雲暖融洩晨鳥涼圓滑露在衆葉明雨及半江
濶水漫碧嶂深野平孤樹出感逝情溢心觀化理
障物吾從自然性誰闢造化窟空光龍池草烟絮
閒魚沫幽者此足幽拙焉或無拙

雨字韻二首

萬葉浥浥涼氣暖
種花土夜來夢寐靜
邨響過江雨高翼挾
恬風泠泠極空宇
關門對幽草有得無
可語

雲姿澹蔥蔥
澹亭午桑下隱鳴雞
葉上暎微雨簷色出
蘆灣湖陰靜花嶼開
門卽扁舟有去無處所

小病已又用雨字韻二首

勿藥守七日見復光
泰字垂簾菜畦色青
動簾外雨天人南郭
几蘧廬東山墅不有
寵辱驚委形等

搏土

柳風澹不收寒意行可取花鶯別青陽雲日會白
雨東海不死藥南華養生主鴻冥詎知高但覺無
腐鼠

追和沈約湖中鴈

稻粱實爲謀心跡豈能高但求地不險自知命亦
勞寒暑一天壤雲泥此羽毛歲晏湖田淺取足顧
吾曹寄言謝鷗鷺一世幾相遭長塗懷靜侶霜月
夢烟濤

呂紀畫五鷗鴛圖歌

秋江一角水石清
盧尾蕭梢風氣鯁
長烟暮色月未出
有五鷗鴛同一汀
其兩齒齒相梳翎
一仰而叫下者鷹
麻衣黑肥各深淺
翳與雲水將冥冥
其一隻絕片雪明
雲氣水氣滂而成
灑然日隨衆食飽
靜極夢與九淵渟
武英直指呂紀寫
寫出紅塵白鳥之
宦情白還鳬翁健
還鶴江映寒碧山
映青粵有林生吳
呂生同官一處同
得名昔年高壁颯
風霰我眼先奪林
良鷹

風雨夜二絕句

無邊半夜雨萬樹一聲風
草自夢中綠花沈雲裏

紅

村收四更雨雲落一聲鍾
有窓容落月無地受鳴

蛩

芙蓉近已作花蓋周生所乞藩府種

三載東藩分舊枝
斬新花事望逾時
夕陽籬落人招手
秋色林亭水滿陂
沽酒店深帘影合
買花船入艚聲遲
商量點綴溪南岸
一樹垂楊兩鷺鷺

茶聲歌

不飲苦吟作酒渴缸清滿貯雨後月碧雲明露夜
迢迢桐葉蒲葵風汎潑夜蟲脉脉復歧歧如嚙如
行響屏紙初蟬弱嘒抽絲纖氣不滿翅凉颼尖闐
然不聞兒女語忽見爭紫絃繁指如雨隔花修竹
窓戶開拍枕大江風雨來攝茲諸妄作真聽起視
烟霧行徘徊烟霧深深立童子面有紅光照烟裏
靜心勿爲水火爭萬樹無風月如水

老樹怪石圖吳仲圭所畫向在錢氏入黃

氏今聞入吳氏愛而不見憶遣長句

古紙闇若烟空蒙拂面稜厲霜霰風老樹見頭不
見尾廻根抱石緊嚼齒藤亦抱樹樹塲壘樹驕生
氣石欲死老人踞石仰面看何代仙者衣不冠潑
面飛瀑骨嶮岼一落不動直古寒十年僂指三入
室休言至正至今日自今以後天地濶愛而不見
憶仿佛話費氣力夢蕭瑟老梅老梅入我腕我欲
面墻咬破筆

潦漲戲爲長歌

南風吹水巷走波人家牆脚生髯莎兒童吃吃攪
手足髮毛沾沾如鴨鷺方墀正展天一泝脩竹倒
捎雲數科靜懷早得五月釣涼氣濶入千頃荷樹
腹枵虛宅彭越蒲梢側墜沿蝸螺公欲渡河休渡
河側身西望愁牂柯長雲如海江嵯峨獨漉獨吟
憂思多一月續增上番水今年沒殺早熟禾農人
泥足走訴苦詩翁薄福將奈何知無奈何已安命
亦或一道求其它後園宜木厥土壤此鄉之人斫
地歌旣非老農非老圃或聽小和聽大和結構雖

謝海棠巢安樂已是堯夫窩我不能蹙蹙去學東
海鼃偃僂願爲郭橐駝

亦甥羅秀才扶大

起潛

問學詩以此答之

爲歌爲哭準於情多讀多吟貫以誠可但一生扶
正氣不妨千古與嘉名蘇黃江海有橫濫踈越清
和非懦聲我也病衰生不及汝今三十學須成

野步卽目寄鄭琴隱方子谷兩秀才

我行于野憺忘歸熱在空雲涼在衣白水碧天雙
鳥靜竹村松港一橋飛轉嫌幽絕成孤往漸減聰

明願息機憶汝深居燈火讀滿城煙雨七峯微山

城內有

七峯

無辱

詩少風雲氣道惟麋鹿親行藏吾返照貧病物爲
春屋白青氍舊山青白髮新仙人名忍辱無辱號
何人

夏日飲書圖書館

雲日漏涼天邨長白雨偏瓦秋聞病葉風緊激哀
蟬驚似能鳴雁魚勝縮頸編新知續舊好嘉會答

豐年

四月廿八日旦

朝日翠瓏璫衣涼葉映空
侵尋五月朔恬憺碧雲
風鳥狎翻枝滑花深到眼
紅題詩感時物時物故
難工

樓上

高處易心悲樓高更落暉
遠帆破雨入疾鳥振江
飛暮色雙蓬鬢風吹短布
衣滄洲吾道在未厭鱖
魚肥

咏蓮葉爲禁體

湖面無波十里遮風前作浪一行斜
天光山影渾如水雨急江鳴不願花
烟靄曉涼矜白鷺晝圖秋意折蒼葭
柳塘曲曲菱潭濶萬箇紅蜓落晚霞

江上晴泛

魚村飲器古銅斗花港風漪青慢船
兩箇白鷗千頃綠滿湖山影一堆烟
沙啣日脚帆陰濶雲逐天根雨勢圓
我可獨歌君可醉溪山供得杖頭錢

夏日

紡竹縑蕉著體空六時冰雪浹樵風撥灰婦蘊熏
書炭吸露兒寒飲酒簫花上雨雲香泛泛山根天
水碧融融故人艤櫂長鬚報葦岸松汀安病翁林
基書來邀避暑江上

白薇

昨夢銀灣化碧雲美人魂弱甚花魂泠泠殘月曉
尤凍婉婉非煙秋與痕梁苑池臺皆綠意謝庭兒
女亦清言豈無才思無根蒂滿地柳綿吹不翻

小病

青蟬露下白蓮風曉有深涼日淺烘無病無聊如
小病一花憔悴綠烟中

五更偶占

五更邨雨集風雷露月江天我夢迴自有靜機人
不見碧桐雲影長青苔

過黃虛舟城根書屋話舊有作

城頭殘月五山青城下殘燈雙眼明漫十六年趨
此夜爲新故鬼話前生人今郢宋猶存質詩到霜
鍾自感聲迴首夢中占大覺驚心身後愧斯名

翡翠

紅翠炯驚人飛搶乍濕身吾方謝機事汝易露天
眞警急知能中低棲亦少親雲泥遠不及鷹隼豈
私仁

林秀才挺基

公環

何孝廉鑄顏

炎光

連日

畫舫泊具避暑觀漲作歌招諸公同作

村心置酒村頭客水漲拍橋行不得買櫂出村還

入村挽臂小船登大船中川曳旗水枝花

村邊汎

平

湖吹波玉帶沙沙洲昨溯詩老宅

沙洲頭歐楨伯虞部故址

釣

磯今艤漁人家

磯下釣

驚心入座數寒暑坦掌之閒

百風雨軟紅十丈無此夢遙碧一寸知何所新知

信宿近可攜

何君

故人九年濶有違

林君

三日休

醒十日醉秋風漸涼秋露霏青尊好續竹葉酒白水勿忘荷芰衣樵生向來心易悲諸子流連歌有思苦吟一夜蓬滿鬢樂事明年瓜可期青蟬聲緊白日急急觴稍闌成別離

六月十三日晚飯後從鄺氏艤齋還吾廬

作

潮大村氣涼出門入積雪絺衣生楚楚柳浪柔潑

潑主賓故疎朗溪山妙清切面壁三日了

已成一山水障

同里半夜別膠漆成日漸往還得風穴燈明樹開

扉犬吠花上月弓麻母大苦

麻績已弓而絢之

弄影兒小

黠老生無所談蓮腮夢幽絕

十四日退庵二丈席上紀事示諸故人

出門嚮東邨東風雜花香昨夜石路月尙餘寒水

光

昨夕月下潮或漫路

潮來挾海雨避雨致公房蒼頭亦中

歇赤牘因得將颯颯凍雨去浥浥秋雲涼翛爽林

水興素友已滿堂風俗本香國飲食皆芬芳浮浮
花蒸煙皎皎養拾霜開筵看風雲鬱淳元以黃華
嵩塞虛空橐籥大欸張驚雷攫虩虩巨雨懸硤硤
激水欲浮履洞地如塌墻來頻失其威敬畏而安
詳肅然七筯閒儼然尊俎列以茲驗吾徒得主故
有常西山晚致佳垣東微夕陽下走走相告赤脚
來踉蹌乍迸地上火遂却門外檣其上小井幹飛
落百尺強是時母方績忽起傾盈筐急趨學語孫
獨在西耳房方自握碩果笑口粲欲嘗癡鬟却走

匿匿我讀書床笑譚復晚食安步西歸莊莊門自
仰視檣杪天蒼蒼天道有喜怒吾氣須大剛書示
我君子此日不可忘

病起得侯貞友二月廿四日書索作畫畫
成寄之並呈馬稷甫

去春送君歸幾月山水程今春金陵山始入君眼
明眼明忽南望南盡天碧晴其下木棉花上爲霞
氣蘋遙知老狂簡獨處衆香亭烟艇發雲渚紅衫
遊碧城懷人作書處老屋青溪清

貞友書室曰
青溪老屋秀

色江南春墨光潑深青使君傷春心作我悲秋聲

七月池荷老漸見白露零病身畏夜氣颯颯生衣

輕憶君歸半年伐木感友朋家食弄狗子于門逢

馬卿馬卿倦南游北轍趨上京京華士夫內或

問賤子名吟我白絲行馬君瀕行吾書白絲行貽之取義竊杜

陵白絲白如雪恐懼五色凌以斯示貞友吾得女

子貞馬君既還吳進士不速成則知二月時無意

千佛經貞友書言頃得桐城馬稷甫書知樵去秋薦而不售云云果爾則馬君北行已早還

不及試遠還惜賤子秋色閉柴荆茲問萬餘里廼

禮部也

能達爾聽又更五千里而以慰我情寧知病維摩
想出邨來維摩少病亦書中語此病得未曾于徐混眠覺耳目皆
窈冥得君罔明指彈我時一醒老馬忽慙悞顧影
謬自矜他時長途中或登君子庭先寄尺幅畫幽
絕出雲屏按圖爲買山待吾行脚僧清淮美水石
濁酒呼弟兄夢魂銘丹崖飯食儲青精虞泉照白
髮滇池求赤藤

七月一日楊繼燮退庵丈介夫鑄顏飲衆

香亭外

蔥朧紫薇景反側芙蓉風園深萬綠氣如雨涼
芄田家易畱客客亦各力農情真使人醉酒醺
知年豐晚色橫天來碧杯清若空幽鳥倦求心
白雲秋有容蒼然昨暮雨不覺已鳴蛩詩人妙
言語佳日潛感通几席逾信宿金石畱琤琮
閑居一脫粟遲暮慰飛蓬

瓜架

并序

家人晚蒔苦瓜逾時結實引蔓而不長大予
觸于苦心作短句墨衆香亭之壁

志士如蓼蟲賦物得苦葉藤青晚逾瘦瓜綠秋更
澀風涼吹漈花蔓緩抱飢蝶糞堯報鹵莽引竹低
妥帖清夜洩多露停雲映小立不食匏繫茲逾期
鳩鳴急

晚涼

萬葉暮色合葉涼吾眼青片雲一鳥遠新月雜花
冥蟲緊清切露池深寒碧星病夫舒氣血宜稱衆
香亭

自題夏山欲雨圖

山作層雲湧雲爲大海平虛堂浮雨氣高枕入江
聲樵子師元化湖光喻太清幽靈空濶得心目臥
遊驚

江月獨坐懷其詹

江月小樓空秋邨積水中葉明涼後露衣覺灑然
風良夜今何夕離懷古所同清溪魚可掇畱飯紫
溪翁

雨

伏中潛動秋曉氣淒泠泠驕陽薄高樹照眼雨點

明疎疎晚山碧湛湛江水清江清白雲深我自江
上行帽仄風故偏襟沾衣尙輕默於涼燠機妙見
天地情小病取有適獨吟聊寄聲夕林鳥自噪不
爲幽人鳴

七月八日雨懷鄉里諸君

清暑午夢深深雨鳴竹竹氣感我琴絃動繁哀
玉鳥噪林色悅天光發層綠灑然搜心魂無適無
不足起行視新水水冷清且縮橋高人影瘦苔黃
漲痕濁

今年西潦漲始落

命舟易乘興水月邨溪曲良夜

君且來來喜不遠復涼風影袷衫秋色映茅屋
春芙蓉花花閒燈火讀

七月九日卽目成咏

滿水低籬雨暎蕉浸陂天影竹蕭蕭詩人身入迂
翁畫白板扉斜獨木橋四十七年年七月去來今
日日今朝碧雲清露新風色昨夜盈盈河漢遙

七月十八日其詹桂洲往五羊枉一水相
過不畱度其中道必泊三山訂云逾日
復來作詩須示之

憶別春歸杏壇雨倘來秋見桂洲船最多明月三
山海大有西風今夜天荒戍披衣吟白曉病身乘
夢嚙酣眠入城洗足抽帆急我遣盟鷗與子還

偶得寄其詹

日晚竹涼碧雲明池靜深故人同飯處病者整風
襟暑氣微銷雨秋聲欲試林傳經樂事內不可苦
耽吟

嘲紫薇花

向晚北牕西玲瓏見紫薇日烘無淡影花赤尙炎

威蕪地吟行惜簷柯月望非或宜秋白袷浮漾一
沾衣

月

秋與詩人月詩人已自愁平生濶如夢昨夜始登
樓草露光逾細池星碧不收蘭臺容易老心本接
離憂

月

漸極玉尖秋河曉尙淹柳梢天色卯荷渚水光
恬惜別頻僂平聲指幽風黯下簾西樓復西角迢遶

可憐纖

八月二日作

肺病畏風露是身如晚林月應明夜肫秋見古人
心落日墟烟濶停雲江水深澄懷非墜緒眇莽不
能尋

秋色

秋色澹如水秋光青極天往年前日耳吾鬢汝星
然湖大寒斜照沙平早暮烟已曾紛落葉不可一
哀蟬

驟雨

驟雨飄風急作秋
繁雲殘照忽當樓
涼蘇病肺終成怯
淡得詩心不可收
白鴈初來元鳥去
丹楓明夾碧江流
年年宋玉登臨地
水繞山環是別愁

江行

江圻影直下下以天爲深
我舟墜空虛窅然生畏
心沙轉紅樹出碧暎千松
林林炊烟白烟外山
靄靄山寒霧水氣滄染成
秋陰此復足畫理因之
澄病襟俯仰謬喜懼時物
交侵尋風昔入重險忠

信持所欽安居二十年魂夢愧孤衾溯廻以容與
窈窕一窺臨駕言慰幽側用以遣長吟

其詹寄筆

應想草堂夜燈深花影深波瀾雲落爪幽怨月當
心靜者妙清供秋江遙苦吟興來懶不得絃我無
絃琴

八月十五夜月下懷蘇孝廉

病秋清切冷蘇蘇花靜星稀不可孤流水年光遲
暮月飲冰心肺苦吟鬚犬矜寒吠深如豹雁亦南

飛獨愛鳥海色天風浩怱悵故人襟袂露華濡

卽景

碧雲曉亭亭昨夜鴈來聲沙光露月白山色水村
明影先倦鳥息吟切寒蟬清落葉一何苦非風汝
自輕

題蘇其詹教子圖小影

葉落窓牖明我病月入牀

方病氣

低頭床前地見君

庭外光遙知草堂燈不及一墀水年老心切兒秋
老鶴警子秋邨萬家夢今夕秋最冷隱隱藻荇波

風襟漾雲影又知堂上書不憂生蠹魚桐老春在
孫鳳老聲在雛君我十年長我衰君健好吾子勝
教時我亦汝今老君學首心德我從文藝科他時
易子教名與身孰多與君古人期多少不足計蘇
黎世世親門戶不可替

眉山世有蘇黎好還憶君家遠景樓其詹寄子詩

病起見佛桑花是藥烟閣分種

我心回薄怯秋涼也似秋叢白佛桑深謝溪蓉中
卯酒高先籬菊飽初霜昨宵圓月玲瓏玉小病離
魂黯淡妝殘夢人閒已天外哀蟬落葉送寒芳

九月二日復來艤齋養病十七日歸衆香
亭邨中芙蓉亦開作花漫成寄別艤齋

主人

溪曲花深屋似舟芙蓉風露入床頭低枝壚藥沾
烟在拍枕秋江歸夢浮修竹人家兼有菊夕陽池
館更當樓北窓且續南邨睡床席粗安忘去畱

九月

半年不涉事九月已防饑懷安慙且爾能竟與世
違秋邨淺籬落短日澹芳菲晚飯故人家涼氣驚

我衣我衣涼漸寬我花寒不肥容裔月露下霜菊
壓船歸後然忘口體未覺懶憶非茲花愛其靜靜
者入於機

曉起書懷

獵獵曉風吹袷衣白雲黃葉攪空飛南鴻海面驚
天遠秋士蓬心接夢稀早菊送花資蟬舍晚蓴遷
地稱魚磯也求口實頤多病不遣身名屬少微

九月晦日作

北風邨東還邨西野艇得水不滿溪林屋葉稀淺

吠狗秋籬竹密深聞雞波烟漉漉寒淅淅水底天
青饑鴈啼十月農夫刈稻了蕪田徵君乞食歸蠅
蛸網上小雨綴芙蓉花梢白雲飛白雲涼涼碧草
晚年芳一一風物淒昏燈清睡蟋蟀夜老鶴苦心
霜露棲

題靖節集

陶公素恬淡何必晚逾達先生號淹通不厭所詣
拙卽事無愧辭語妙得真實而使天地內在眼無
滯物一命亦出宰五斗非屈節嫌於六十年癯此

八十日相代忘日夜豈貴書甲乙一篇桃花源天
游接莊列

寄其詹屬其詮次所爲文句

存歿蕭條外支離得此君微名同獨行萬族兩孤
雲歲月前塵妄菁華後日分生涯莫自笑幸者付
空文

隔溪有竹嶼花畝吾將構別墅焉

山人水北望溪南幾尺山浮竹外嵐橋影赤欄春
碧水簷端黃鳥客紅衫仰天自隱烏皮几刷地重

呼木柄欂未忍便捻書籍賣數椽吾課負薪男

有問簡近不肯作長詩者答五十六字

微吟新愛短歌行末坐聊爲後緩聲來口大難當
取樂中年漸過苦多情天刑猿狄腸須斷風損江
河氣且平君悟真機猶橐籥歛張雲雨一虛盈

扁舟

爾馨扁舟我做廬古青銅斗紫溪魚大勝惠子浮
枵瓠隘視王尼宿露車禾熟水田飛蚱蜢風前海
岸止鷓鴣人閒未覺寥天遠眇莽無糧食有餘

賦得江田一鷺

襌褫光雪水田寬
闇淡青春烟雨寒
柳岸天低波拍拍
蘆碕沙白月漫漫
吾今鶴氅三層閣
爾似羊裘七里灘
相忘江湖還是主
行逢賓鴈報平安

得句

支藤寒渚晚詠句
白雲高病體今年逸
秋蛩夙命勞夢爲
萬里客衾擁大江
濤動靜非由外無
營可自操

五百四峯堂詩鈔

卷二十三終

五百四峯堂詩鈔

卷二十四上

順德黎 簡簡民撰

甲寅年

元日作

春陰遠遠來
遶遶映樓臺
風氣暄憐艸
雲光碧暈
苔門偏烟渚
靜梅側水籬
開今雨杜陵
屋新醪陶
令杯

首春鄉里諸子過衆香亭與之論詩漫成

贈之

三十六旬病在床
病興年破得韶光
春陰重覺茸茸濕
花氣寒收芴芴香
言有榮華爭艸木
老顏風格倒衣裳
鱖魚白鳥江天在
拉爾烟波遠放狂

始見桃花

南臘暄陽雜緒風
桃花數點炙蕩紅
客來鳥散驚心在
天淨枝高入酒空
曉樹綴雲涼瑟縮
夜牕明火小玲瓏
人家籬落春江上
春事誰家爛漫工

咏懷卽景

江上看山溪上扉條風澹沱詠忘歸春陰桃李靜
如夢水暖蠅蟻寒有衣白幘往來畸行獨青氍家
業老心違乾坤幽側蠻烟遠天地清寧聖日輝

開歲倏五日贈諸子

開歲倏五日藹藹欣有懷光陰作寒暖迺是春日
佳中園玩艸木洩秀茁柔荑小甲天地壯大信氣
候諸何用寄和樂吾亦思吾儕事適理赴言日出
多不乖樵夫去年病顧影如立柴大哉造化恩乞
此拘拘骸攘臂生死外放浪與子偕百觴罰有限

四序隨無涯品彙且姚佚言笑不安排

獻歲旬日答楚園見贈

齋禁多情自不禁精廬捷內掉頭吟浮浮暮雨看
成夢側側春風不醉心漸老悔知狂是病載陽寒
泥歲猶陰多君童丱趨蓬髮憐取區區昔到今

謝雲隱所摹漢瓦頭圓硯歌

有序

雲隱道人十四年前貽予此硯匣置幾十年
矣今日出之惘然傷懷憶故妻梁孺人病篤
以所仿漢瓦文長母相忘小銅印繫臂而終

觸類以感卽以硯作畫寄雲隱題詩其上云
爾

漢人死頭繆秦書偃仰隆殺盤而紆比方碑額及
私印意態絕同形絕殊含貞冰潔壽度刳相面用
背圓剝觚粵人品硯極清監洮河太膩龍尾粗割
雲故自貴西洞弄瓦或亦娛畸儒謝公同嗜憐我
癖古神仙借今宅軀石若淨昏錯若筆瓦則古帖
書則及其文乃長生無極又銘曰縮本所摹龍泉
紹繞百鍊鐵蟻封折旋千里駒癡翡翠畱土花碧

竅澀縮剔沙痕枯土燒作石質已死石範於土金

不渝

太元經廬金戒
渝廬金居堅也

墨儕以類烏玉玦天光與映

青雲膚大千忽現右掌輪四角不附奇肱車道人

圓通入有閒道器混沌方無隅辛丑六月君自記

行藏三載吾與俱甲辰我亦撫漢瓦鑄寫圓印於

方鑑美人黃土印亦殉長埤相忘

去聲

心相於鬼今

故鬼物故物物初凝物吾知吾以茲十載如棄妹

忽此一瞥傷狂夫團團之月黝食旣浥浥之淚清

漻乎亦如禾黍沒荒殿經番滄桑尋故墟素巾細

意拂拭再完璧何異耕鋤餘久忘將逆固能應用
等埏埴當其無草元嘲賤野次塊守黑嘿占環中
樞去年确田報鹵莽獻歲稿木萌株枸君今老懶
入手爪我勉勞薄將畫圖畫成春山意慘淡硯滌
潭水雲糊糗潭雲作雨釀春夢風雨孤舟浮兩湖
仙湖西湖二街蓋南漢宮
中兩湖也雲隱住西湖

寄懷吳青門

君從北海入南海吳歷下人拊髀冷然遊善風志士苦
心知擇木一身雙鬢競飄蓬白門柳色郵亭客吳先

曾留寓
白下 青簪桃花釣艇翁可怪仲翔屯骨相每談
季札肯淹通

雨坐懷其詹

天合雲低瓦雨斜風過江懷人憶南浦有酒自東
窓籬竹暖幾箇波鷗寒一雙含情向動植吾喜足
音楚

得其詹報去年九月復舉一子諸友爲製
花燈頗精美用以相慶也邀予過其家
予先作此寄之情至無文亦焉用文

吾年四十五得子自恐遲君今五十八言得第三
兒竹葉妻所藏花燈人所貽燈燭燕春庭桃李明
夜枝大兒學禮客二兒誦文詞小兒花影下轉側
開笑啼阿翁覽鏡笑齒豁鬢如絲自顧抱樸學於
何爲白眉慰婦近勉喜思親遠益悲悲心雜存歿
平昔兩相知死痛胡豸浦身後則已而生憐二樵
子兄我吾弟之他年易而教可爲諸子師寧知十
年長君老精弗虧而我數年來病甚吾久衰母老
不敢歎兒孩難力提請論兒佛蓮今甫學語時廼

喜弄紙筆勝於索栗梨能自書佛字亦能畫魚雞
木石與人屋彷彿任意爲安識渠受命深與母解
頤耶爲迂經生人曰老畫師墮地遽求火願其辟
勿穉何爾生固然似我行太畸我恐爾長大爾仍
我支離支離不足諱門戶詎云墮望其後可孝愛
之先已慈聊用報吾兄兩心同所私君必昌且蕃
無以老自疑春寒閉風雨緩緩赴燈期杯酒泥好
樂何有荒不治我今病良可相思數披衣當來同
買春未來先寄茲茲詩意未足還看教子詩

去年
秋爲

題教子
圖小影

春寒

幾年冬盡似秋殘
畱作春寒結百蠻
到地雨融雲上雪
隔花山擁霧中鬟
無聊淺酌思開甕
有道深衣稱閉關
遙想溪南人買酒
炊烟青失此簷閒

卽景寫懷寄示其詹

餘寒未散結陰長
四野天低見水光
初葉墻頭暎雨碧
高花樓角過雲香
生平已遠年半百
夜夢多端春渺茫
老覺苦吟思太鬱
不禁言語却頽唐

微雨村行

落花滿笠復沾衣斜雨斜風逐逐飛行樂
晴明春有幾流年心跡病多違竹新松密
深由徑鷗熟潮生卽欸扉跣足入城果腹返
爲飢驅我以情歸

春寒夜風

夜風搖漾竹牕燈戛戛明玕寒有稜霧雨
細濺垂葉點茶烟青亂隔花層重言咏歎
如飢雀寬褐郎當似凍蠅曉見園翁詔桃李
夜來春夢太曹騰

偶從好事者省予十年前所臨蘇長公稿

康養生論裝潢頗精又多題跋予不覺
慚悔欲別書以易之不得欲題此詩於
後以誌吾過亦不得也仍存詩集中以
謝知己

心破豪芒轉覺粗坡公元自不工書

我雖不善書
曉書莫如我

坡公語

庖丁技恡屠牛坦伯樂魂銷相狗徐石墨叩

門求水火神明揮手謝遽廬就中已得嵇生訣土
木形骸道有餘

夜牕偶題

不辨風宵定雨宵未聞桐葉有芭蕉春邨燈火江
雲底四壁秋聲鬢影凋

絕句雜咏六首

松根烟水霏爲雨花上春陰隋作寒昨夜夢繁心
濶絕柳綿搖漾轉去聲風團

花上今朝青鳥來緋桃枝開碧桃開春風自與誰
相識不速還同試酒杯

未暖猶寒春二月浮風沈雨夜如年燈火閉門今
隱几爐香趺坐舊供氈

水竹娑娑養石盆

一種小竹
不土而生

松肪索索結雲根

石蠟

波光寫影深深冷
香篆蒙梢靜靜溫

蕙有墨花冥夜心
春燈光末自沈沈
偶搏芒芴禪香得
我正跏趺道息深

昔昔鰓鰓至四更
犯寒投暗李花明
閭浮靜極無人見
自見中園夜氣清

卓上人送潭蘭花莖一朶
淡綠奇香作詩

謝之

麻姑纖爪小姑心

蕙故有一種名麻姑爪
而素心此心有朱點

日暮風

吹幽且深同臭不殊千里雨獨歌宜奏一絃琴室
虛生白香逾靜石氣皆青秋許陰

云皆生山中石溜閒

居士

多花盡禪味忘言而悟未忘吟

咏正月菊

老至吾忘歲忽周故矜霜染白人頭吟心灞水梅
花夜夢緒淮南木葉秋春酒露杯香泛泛月籬寒
蟄默幽幽莫言取後真遲暮不敢爲先得上游

看佛蓮弄筆

瞳人翦秋水筆影迥燈光有好已根惡卽心仍坐

忘似形迴語姊來笑側嗔娘汝自生之性人譏父
不祥

後園摘蔬作三首

琅琅昨夜雨媚睡鳴笳屋曙色天清寒餘響在風
竹頗亦爲老圃挈甕筋力足春雨日時至生意並
酒熟翛然見山光覆我畦上綠

暮有南村客蕭然心故欣痾瘵已分志櫨蔬還稱
身酒醪飯粗糲美惡無忘真常勞則貴逸未達寧
諱貧帶經三十年今且以養親君飽區區情此事

不屬人

卽此千里萼鼓之以爲脯
飮盤下齋粥殆今未陰
雨人生諒惟勤儒者心更苦
知命於往非止足內
自取方法報山妻精細訪禪侶
近佐番禺醬遠得
淮南腐

答其詹見懷

春水到門搖碧漪不勝風雨綠楊枝
曹騰傷別多
吟夢五十看花忽喜悲直以病軀縈老友勉安慈
母譽嬌兒侵尋二月頻三札傾倒同心似隔籬

服藥

未能勿藥喜頻藥却生疑有說凡醫數收功故力
疲鴟啼芳艸晚風善暮雲遲返取自然性尊生良
在茲

和區鮑濱咏稻花

嶺南初夏稻花明映日行雲白雨橫

早禾宜白雨俗呼白闔雨

涼合江光分野色低濛村岸出柴荆幽芳甘露茫

茫重靜氣祥風裔裔輕便話晚禾同一致却宜秋

夜雨香清

粵中晚禾貴夜雨二造之性如此反是皆致蟲

偶出見春田未犁望雨有作

屏跡人事疎憂農天道深
今晨視風景族雲如有
心扁舟邨東還野色溫
沈沈近水霏爲烟渡江
遙作陰方帆暢欲飽條
風柔若斟見我江上屋
佳氣浮青林

微雨

雨成已無雲虛視若夢夢
霖霖醉物心於無以爲
用隔江見林居山翠數
邨共茫然過沙樹樹杪
青蕩動冷風拂于野寒
色自播弄機發灰未濕
氣變

衣透縫滄洲雙白鷗炯炯不畏凍

晦日溫遂之攜古書畫數種來泊舟邨口

卽事有作

南風落春帆細雨轉

去聲

雜花板橋壓邨溪遂泊村

外沙行見子雲居芙蓉出高閣君知詎須問門外

最寂莫拉我入爾舟水莎日氣寒完善西嶽碑變

滅北苑山流觀晚飯已鴉聲隱竹色蕉林暮濤壯

蘆夾深燈碧君歸三月朔我夢百花中不爾驚沸

傳昨有貫月虹

燕

花上碧雲飛
雲邊紫燕歸
望天鄉路遠
僦屋客人非
社日新春雨
秋風舊別衣
後園桃柳在
於我莫相違

江南岸蕉園歌

隔江綠斷山
影連片帆鏡
中吹綠煙飽
飯信出芙蓉
灣吟詩坐見
芭蕉園周遭
屏風八尺翠
閒插高柳青
尖寒柳陰時
見亭角角蕉
下定有蓮田
田春江色淨
極千里鷺鷥
漾飛如柳綿
此園始成無
幾

年初我乍逢疑一邨其人富壓千樹橘而我願止
二頃田安得今日從茲役竟與比屋還連阡不能
小隱愧雲水且恣大嚼於屠門聊從江岸對結構
臥受枕席搖風漣炎輪照人赤兀兀病肺蘇我涼
涓涓謬當江湖夜見月忽有風雨晴攪天遠勝吾
廬小牕底獨感桐竹秋聲翻霜寒破苞碧玉重露
香登盤沉水斑市嘗子敬渡江楫需種戴老買山
錢如今且共南浦州映我十丈紅木棉木棉花開
絳霄熱天清雲白翔紫鸞水西赤欄瘦窈窕江館

白袷輕影翩誰能平遠寫江景寫作樵客丹青閒

昨夜

茫茫昨夜雷撒瓦雨東來涼未浮新水青聊濶舊
苔蓼風清岸月竹露洗山杯喚起籌終歲田工着
鳥催

賦得游絲

僅有仍無百丈飄一何姚佚又何勞關心冶蝶低
斜去颺眼飛花接湊牢風定裊風烟滅影夢闌尋
夢雨如毛藕絲裊袂梨梢月暗引秋千出院高

春望

旦氣清如水春光澹欲秋
烟綿細雨內淠漾薄寒
浮望遠鳥將目傷心花擁樓
一杯勸白日散髮下扁舟

客至

沙岸長桑桑外帆只看桑葉識
風酣迴船菱荻剛
村口問路芙蓉向水南深巷叩扉紆折屐
陽阿睇
髮撮遺簪不知時務知時節
苦棟花根捫蝨談

寄李徵君正夫三十四韻

去臘與君語甲乙是豐年相視計日笑自喜土無

田入春泥看花花光晴轉蕪忽復警良苗望雲時

已愆昨日赤陽下艸色暍平原野風撒白雨秧地

蒸蒼烟

粵人呼秧田曰秧地

雨去氣顛顚有似魚濡涎水岸

踏桔槔百龍同吸川滑滑哀鶯鳴支決抽神淵雖

不河也損夫豈天之偏我有觀水術而爲君試言

東流混混紅新潦潮到門怪來半月閒西北黑如

磐東人西托命萬命膏其根遙知牂牁上萬頃青

浮天比者聞府君求雨西樵山是山多靈脉處處

皆廉泉屈指今六年不曾勞職官紅羊畏迴首時
異不可論吾問李徵士六男今幾孫心力共髮短
食指以族繁爲農亦云苦爲儒仍大難安得六男
兒均使受一廛一夫一百畝茅屋各自編吾知陶
淵明樂死於酒樽可念我樵子守拙老空邨與君
匪同病乃肯倍相憐交親壯至老元鬢茲漸髡
載走風塵恩義私自敦人謂我役役我則愚而菴
寧知無人夜不忤神明尊淺詩寫近憂有懷徵所
存兩年退褻足少欲還小安雲山畱臥遊不以當

藥錢

製笠

舊雨憐鋤幾莖竹新晴評撿廿番花細如織席粗
編葦深住春邨少在家湖上魚舠兼載鶴田頭牛
背共歸鴉半生一笠行藏在老畏秋風識孟嘉

寄懷李東田

李君之先
江右人

望門懷刺此何人人故猖狂命故貧弟妹飢寒共
一處萍蓬家世早無親學於實地聊投足士覺虛
名未立身今爾生來已憂患古賢傳者半風塵

四月一日作

衾枕春都盡風雲氣不深鳥聞天弔水

粵有此鳥聲俗以爲

雨池見日當心睡美增勞夢聲危癢苦吟羸軀宜

買夏桐竹未繁陰

友人相過扁舟邀同詣沙橋問卜至清溪

灣大風雨迴舟入赤花叩艤齋主人不

值歸而作歌紀之

大鳥峰黑歎渾渾一歛張頃滿縣雲望雲欲止止
復出旱遇雨吉良足欣去年數開避暑席鳬鷺久

狎今相識君何形勢自蒼黃我見湖山舊青碧清

灣田氣陰芄芄碧江雨失八九峰千峰黯澹半峰

赭疑誤船尾斜陽紅迴是崩岡照江水碧江村口有崩岡色

正映帶沙橋石色紫沙橋去崩岡二三里祇應賣

卜肆下簾自恐虛舟谷無底我決急歸歸不疑欲

去風輒吹還之迴舟北入赤花渚赤花村人猶未

歸遙知上冢衣亦濕不見叩門人正飢忍寒相背

窄促膝五里花陰一篙疾蓼岸清光暮潮滿桑簷

夜色炊烟出艸堂燈影七尺身松杪天涼一痕月

雨晴悲喜互成虧四十餘年味道機少安君且觀
無妄寡悔吾今念在茲有懷勸盡杯中物未了須
交膝下兒君不見今年樹上鵲作巢不占最高枝

雨晴得雲隱恥大兩故人問

海上日日雨雨好不厭多川原汎清淑物理已畢
羅芸芸動植濶窈窕風雲和野人謝俗務骨筋宜
笠簑溪光淨泰宇田綠吹雲波故人念久別何遠
不我過一日得兩書二年成獨歌獨歌意不足相
思空奈何夜泉鳴琅玕吟燈懸薜蘿懷人夢寐深

幽絕清無吡

初夏泛舟

碧水紅雲相照明
不曾蕭瑟亦泓曄
鯢桓心抱幽
姿媚鳬渚吾兼太
瘦生苗拂軟風光
渺漫山含宿
雨氣深清夏初正
預卿何事破許閑
情計物情

首夏見芙蓉花

芙蓉花葉兩輕明
青紫蔥朧碧水冥
倚杖露光沾
袖凍過橋吟影入
溪停夷猶南浦春
波後髮鬅秋
風卯酒醒翠蓋青
翰越人有爲君時
有權歌聽

寄顧皓秀年兼懷韓是升樂餘東老

樂餘粵城北誌爾妻也墳題石墨未漉旋喪其恭
人恭人與君婦如樂餘與君昔從故鄉別中外皆
弟昆一落東甌官十閱嶺外春春風叫妖鳥羈臣
迷墓門側聞太恭人露屨於墀閒遠淚濕別土鄉
音招客魂紙錢在馬鬣桐棺出魚軒君送樂餘老
爾畱渠自還惜別或收涕知命復何云新故各有
鬼去住同相捐君妻有魂魄豈不思故園殢骨憶
歸骨其精爲杜鵑鵑啼關前月月照海上山我初

交樂餘以君四年前我之初識君僕指以十年乙

巳秋七月接君於古端詠我悼亡詩爲我聲悲酸

旅次兩畸人峽山增夜猿傷心我多病贈句君弗

諼予病於端州顧君方藥後贈詩有此事直須生死託兩情初已弟兄真之句此事生

死託兩情弟兄真判袂濶日月乞食溷風塵無益

均破甑有懷聞鼓盆子子咽斷歌艸艸聊續婚前

年君舉子吾亦抱一豚已是四十餘相視脫帽髡

去年出村來三日謝客眠藥我病不死笑我家合

貧一片礮礪石諒非參朮田新淚哭故妻舊淚思

阿干與君桓山鳥四散委羽翰令兄徵君儔詩品
清而尊時時寄君詩其義稱其言君望江以南我
望嶺以西別離殊風雨骨肉久單寒遠傷手足分
近阻朋友歡樂餘當南歸老得燕玉溫姬姜袖蠻
花樂餘買瓊州女爲妾鹽豉羹吳蓴生澀風味乖且用慰不
鰥樂餘未損樂與爾正憂患孤雛尙膝下五旬徂
鬢邊過去未來心宦况俱澹然窮士貴作達不等
平等觀我今但一榻安此養病身眠食受真香千
花沁氤氲想君居大城涼臥仙湖濱臥醒城頭山

兀兀崢赤雲可復夢江南
淺潭照水邨是時樂餘
老散髮弄青蘋我亦芙蓉灣
濯足鷗鷺馴蟬鳴荔
支熟期爾一破閑

樹下與諸子論詩咏懷贈之

風柳溪花坐劇談
神明小極體清酣
羸知衛玠勞終日
病勝維摩伴一龕
君不狂醒吾社櫟
今殊車笠昔朋簪
黃塵大道休翹足
事在嵇生七不堪

慈度寺已落數過致師始以一詩賀之

往日松風浩浩聲
蒺藜支徑走狸鼪
去來劫遠今

殊昔二百年中虧復成
禪病楊容居士借語香堂
以木樨名夙根誰可當
頭棒糙飯吾同折足鎗

買舟出村口與諸君看競渡

寧得江鄉不愛閑
芙蓉灣外芰荷灣
溪雲曲曲三篙水
浦樹沈沈一桁山
湧檝雪波舟舫罨
篷風荻雨潺湲晚
春白袷今猶薄
勉竦涼肩倚醉顏

同梁生村口藕塘作

葉上花如水上紅
綠迷山影失沖融
吟心好靜時驚雨
病肺宜涼亦畏風
楊柳高幢青罩罩
鷺鷥鷺鷥明

雪淨空空操舟不學吾能識深刺杉舟下釣簫

寄懷平叔

裘葛三更別四年遠途趨夢病趨眠離心益雨盲
風夜一角蟬鳴荔熟天永憶重陽動琴酌暮愁橫
海鬱人煙辛亥九於時一哭悲秋後秋在黃門白
髮邊當時七人平叔各有所擬擬韓東老白香山許周生沈休文予潘黃門餘不復憶

絕句二首

門前樹根橫石臺隔水芙蓉明眼開昨宵月坐歸
聞雨石氣曉青寒有落

橋頭爲社社前榕橋下
蓼根聞碧淙村晚過橋人
買酒酒缸花影落芙蓉

偶記

自怪先生屏跡深病中
猶耗看花心白雲碧水芙
蓉晚平叔江南忽好音

答知交

江湖歎浩劫笠釣屬夫君
水濶朝浮雨邨深晝落
雲青蟬涼不急白鳥炯無羣
身世忘吾事知交詎
得聞

予不能飲作酒徒語以快意

便耽杯酒亦何傷好樂鶯花已太康少滑聰明與
聲色深判眠起倒衣裳堯封鶉鷄無三患帝世陰
陽叶百昌直許老生迷不返糟邱臺上勸飛光

甲寅生日寄海樵先生

今生兄弟同生日少壯相隨後五年兩地髮膚趨
老大在天弦望各風烟何時富貴歸無辱攪夢存
亡遠獨眠昨日坐兼兒輩哭抱新孫去拜新阡

齡生母歸柩已葬去
年淳生子名爲玉

寫景

朱花和影颭清波
碧艸漲陂鳴白鷺
竹色斜行銀箭雨
天光低漚水雲莎

讀翁學士所輯黃

景仁

仲則詩集

平世最高名通籍極卑官
然且不可兼使汝歲易
殫寧知東方士岸絕十年冠
搔首天西北佳人渺
雲端手剪雲作花風翻花作瀾
偶隨絮沾泥遊戲
下人閒忽然亦爲人
卅年如弄丸不知我生死安
憶我憂患獨往以獨來
誰待將誰歡或言君厄才

僅得樵與班君才撻萬象樵也小黠頑類慙估雲
龍天授殊易艱心氣可遙通期我乎道山小技何
足道大化方就閑騎控朱方鶴帔披丹穴鸞

村口偶泛觀漲

絳雲滾滾雨冥冥倏忽晴陰迭不停半珪山照大
水赤一寸柁飛千里青沙田拽艇早撈穀漲而穫曰撈割
邨路吹波低見亭兩負詞翁邀我飲空幔碧油開

翠舲

前日退庵兩度
治具不果往

寄周侍郎興岱

南箕吾已不能揚南橘生宜竄此鄉抱病告誰車
有角上天迴首鼠拖腸雲泥知己今韓孟揚馬高
才古益梁先生惟是蜀人戴盆西向笑美人冰雪隔銀
潢

阻療得許周生書咏懷奉寄二首

東藩故府宵潭潭池上樓看海外帆竹院雨風青
窈窕漲天雲水赤嶄巖交如異域滋頻夢學不徇
人守至誠來書與予論詩之意問我別來何所憶休文身上

憶羅衫

孫郎許我以詩昌思以幽通志不傷睇笑女蘿山
鬼態波流公子美人鄉風雲氣少防諧體紙墨錢
儲與藥囊俯仰千秋成一哭蘭臺秋色賸悲涼
詩集何久不付刻

觀水知西漲必盛作一首

西潦將盛時水氣涼朝晚諸山泛寸碧散若齒初
齒雲染黃泥平海攢赤岳空我懷邕州居飛簷俯
江楯江中砥巨石國此千里忿聲驕溢地賸勢橫
去浮天轉夜夜西北極羃羃雷雨奮雲歆黑磐車
聲

電掣陰火勒方增眼浩浩何處泯泯兒時所習
見往往亟三板江樓歛張動下若戰蛟蜃崖崩駭
剝膚舍避走絕臚牛馬安可辨渚渼無有眇長嶼
作霧遊高崙折風耘郡國坐眨瞬鄉路無遠近轉
愁水角壯特柯漲時諸灘皆失而水角險甚誰喜灘面盡大象廻
懸河哀彘激壞堰崢嶸黔滇巔濫觴始誰引端州
搯東吭倒吸西勢繫石門東相雄峽山岌欲偃並
力趨峽外始殺得平遠有如萬里行開襟解勞軫
廿年廣州住住久神魄穩他時遠遊歸牀席水石

殷險夢入險坎虛舟擲虛牝今無滑吾和亦不嘉
我遜懶非媚川虬飽類飲河鼯去年畚早田求益
反以損播種旣數畝撈穀不盈秬今年秬也無眠
食學蠶蠹乾沒母訓數濕灰妻爨謹佐飯魚龍羹
白小煮醢筍門前水籬傍竹勒簪可憶遙知蘆邨
濶自見茅屋隱漁歌深未出剡櫂行屢返斯人不
沈浮窮年因曼衍且將鳬翁盟恐被達者哂

因許周生寄王蘭榭侍郎

久知大冶鑄祥金

先生選
江海詩

謬擬洪爐試水銀能辨

雄風疑宋玉

謂周生

爲持雌霓似王筠梅花舊諾虛

圓夢

翁侍郎寄簡詩有人與梅花成舊諾又有寄語二樵圓夙夢之句

漁父新詞

實寫真

馮魚山黃仲則二君皆囑子以小影寄之

望斷高樓在西北樓

頭南望有佳人

復寄周生

閉關二年來靜極忘其味佳禽語高花天機合和
氣冲襟病亦適無病體逾貴念我同心子不遠莫
可致南藩東西圃竹石託清閼趺然山水音幽情
入離思竄遠君子亭亭族寒意簷墮冰雪聲日

澹風雨勢茲焉豈州府安得畸友至相思兩相許
其樂可易地日入月滿樓佳人渺心事

聞石帆將歸

牂牁箭急放船歸見似投林一鳥飛今汝山川迴
首老古人車笠痛心違幾年夏屋聽蠻雨近縣秋
江濯客衣永淳城下水名秋風江鱸膾嗷嗷故鄉食可如東
井野魚肥貴縣有山池曰東井魚之美冠一郡

服藥

生人何樂樂粗安奢與瓢鐺減食簞大嚼我真蟲

習苦一枝天假鳥號寒人知平叔當行散妻故雲
英善搗丸昨日謬邀鄉老喜共迎笠屐笑相看病氣
不可行昨雨後笠屐而出故老相慶聊記之

題惲壽平枯木竹石尺幅

南田高逸出精嚴不着王翬一筆甜石角林腰兩
竿竹江天都與晚風尖

餞夏篇

感去年邨中朋酒之樂遂過九夏今年偶一
治具江上已夏杪矣且不見昔時一人用是

傷懷作餞夏

西堂夢斷如離人只有詩句畱青春南風吹烟靜
江水入地涼天山影新去年林水飲避暑一幅川
雲送風雨猶憐淒暖含情態却嘆鳬鷺無處所今
日我來逾昔期今年人各樂新知清溪老樹見癡
葉落日蟬風吹鬢絲花邊葵扇高雲遠竹下山杯
空露滋花竹脩脩暮色動雲露皎皎寒光弄人閒
宋玉絕代愁秋滿荒心浩無夢

注莊

無病猶歆示病牀病終生始發天光聰明性本空
諸有日夜心萌止吉祥秋水橋頭扶杖立晚風花
外問人香行藏幽獨忘吾適不爲言詮讀老莊

卽事

野涼青動浮山映雨明樓蟬急日趨短雲飛天欲
秋菁華極物態河漢濫觴流閱理隨時運淵明卽
事休

江上有得答周生意

逝者人閒世悠哉江上心青山涼雨淺白鳥碧天

深釣石衣生
蘚秋雲髮墮簪
勞君爲踊躍
吾豈鎮邪金

落日

夕日薄河橋
白雲天自寥
水荷衣拂拂
風柳鬢蕭蕭
一架葡萄熟
比鄰鳥鼠驕
柴門漲痕落
吾亦見吾苗

晚雲

村涼晚看雲
天遠意相親
夕氣清於水
神光迴照人
將秋先淖約
昨日小嶙峋
仰面吾何擬
陶詩得

此真

寄李潛夫重索交桂十韻

昔傳清化桂南徼孕真陽苔蘚收斲碧龍蛇避古
香守純導氣母求得歎雲將朋璧頒雙琥仙松割
密肪七年遙抱病三月似春糧漸老成中冷勞心
采衆芳重修下元訣一佐上池方爲德期終惠安
生近勝常發械霏霧露潤筆報文章時囑予爲日
李氏祠記
夕需君切秋風試肺涼

偶過吳友人歸舟遇雨作寄

三
八
泝橫波走岸田風雲爭逐渡江船
逢逢南北分
龍雨脉脉元黃斷霓天滿志鳬
鷺濶生計同鄉皮
陸傳詩篇遲君碧酒芙蓉下
蟛蜞如花秋可憐

此水

江路失西東炎雲接漲紅
出山有此水入戶可孤
蓬柳外看吹浪蘆梢不韻風
溪深稱漁具思煞陸
龜蒙

寄白魚潭漁者

鶯脰銀魚初月痕
白魚潭亦足銀鱗
秋風遠寄一

竿竹鄉味都宜千里莼何日隨君歸放艇兩年今
我坐垂綸直須鷗鷺成畸友不避風波號此民

感甲辰六月之漲

水哉吾憶甲辰年海上伯牙彈斷絃孤島異鄉圍

獨哭浮漚歸夢看新阡故人十載長無忘

見墓志及圓硯

詩序六月三旬昔已然宿宿休須續風雨翻盆衝瓦
似防川

六月廿七日周生侍尊人方伯歸里書來
告別漲甚道阻旬日作詩追餞之并呈

平叔八十二句

識君三年前見君無幾時六月三得書忽已自言
歸是時漲浮天水周我籬籬入門千里心汗漫夢
見之汗漫不見君見君舟上旗浩浩東南風阿那
檣杪吹江干出瓦簷裊裊楊柳垂楊柳昨夜雨颯
然秋已淒秋色遠脉脉離心空自悲夜短天下旦
有情誰得知憶昔九日飲七人君甚羸酒冷葉索
索玉削衫颼颼虞泉萬里風東陽幾寸圍林君彈
春陽君接彈抽思此曲各有聲此日情勿違下山

一握手祖帳相續爲別酒續復續離人齊不齊星
零以雨散約惟君在茲君旣深宵居我亦遠如遺
三年共傷別已嗟少見期一漲卽失所風波安可
追迢遞江上山浮沈昂以低指顧不識路青壁沾
黃泥去去莫復問但去無有岐人世雖萬途而不
歸者迷喜君隨親還家尊仍作兒一解方岳組實
以老病嬰願君早置身早遂此孝慈君已足文史
於學無不窺榮華苗其言誠實爲之基似君妙年
者今日復見誰平叔文豹變周生祥鳳儀此後吳

越閒夜氣光陸離恐有干莫精化爲雄與雌南方
有病翮短翼養差池君昔愛此鳥愛其惜毛衣今
君雙翱翔我則奮欲隨豈對不筍竹能救迴腸飢
相去日以遠操心日以危不悼江嶺遙實憂聞譽
卑期君傷日月無翼聲名飛

五百四峯堂詩鈔

卷二十四上

五百四峯堂詩鈔

卷二十四下

順德黎 簡簡民撰

甲寅年

七夕夜潮滿庭俯見星宿寄懷周生驛次

漲泊

荷葉聲圓急雨香大潮似月凍如霜籬根漠漠鳬
鷺靜簷下深深河漢光常釣坐驕龍伯國浮家行
指女牛鄉金風玉露隨天有莫遣秋衣報夜涼

仙湖客舍贈石帆

八月廿日作予
癸卯亦僦居此

城頭高樹作秋聲
秋氣蒼涼萬戶醒
舊雨故窓蟲唧唧
十年今夜鬢星星
仙湖賸水濕灰死
風穴歸人乾葉冷
與話桂林山最好
山光猶入眼中青

鄉試滿石帆相過與何蘅圃泥醉而歸已

陰雨數日復有作呈石帆並寄何君

秋風江吹霜滿簷
柳絲書館柳沾衿
老應天爵得人爵
別驗故交誰故心
千里山川詩卷受
滿城風雨酒杯深
商量振雅名堂處
蘅圃蓮塘老樹陰

昔與

葯房石帆語欲就蓮塘街石帆所買
地作振雅堂何君蘅圃適近其處

題吳竹緣西湖話別圖

南憶東河邱大尹北行傷別話西湖因君風雨西

湖夜遠記西湖訪舊圖

東河先生有此圖

友人送西樵無葉井泉

璇源不湯湯靜貯岳色綠君汲一尺天範此滿盎
玉清碧凝堅光瑩若不可矻以指試一染寒稜屬
相觸頗疑邢州砂礪之未滑熟我憶山上井井上
翳喬木木葉到井口水氣鼓井腹水力重浮蕩葉

勢輕蹙縮此以得異名生是天使獨猿狖顧其影
秋淨月肅肅一聲哀入雲衆樹凍盡禿惟彼外不
入浩然者內足使之出山流至海不肯濁樵夫嗜
茗飲瘠氣伐我肉茲泉格茲理踵息不遠復吾當
揮參苓就此課僮僕養親盡吾年歸矣結茅屋

和答譚秀才康侯

敬昭

爲愛詩家龍象乘南宗正始訪傳燈來參會撮支
離疏已似寒巖老病僧風火輪須收足穩曹劉墻
可及肩凌看君緊腦鋒稜翮華岳秋尖一角鷹

贈僧澄波

我亦多生識字僧
記曾兼爾以詩鳴
苦吟落月竹

房白迴句後山松雪清

海幢寺卽楊孚宅寺後相傳爲萬松山孚種松致雪

處

野艇秋江浮隻鷺
曉鍾殘夢滿三城
爲師細畫

河沙國得似陶輪入掌輕

時爲寫山水一紙澄能說維摩詰所說經卽用

經語爲贈

小病寄閨人

塵中養病迫無閑
客去西風亦拓關
牕瞰夕陽城上樹
意浮秋水枕前山
霜寒蟬蛩傾筐得
潦退芙蓉

蓉出手慳

今年漲甚久書云所種芙蓉多淤死

歸計卽當看玉玦別

期何事卜刀環

客舍玩月復寄

城中看月井底濶亦如三更窺井誇得月遙知今
夕小樓外花上秋容渺幽絕遠沙平展幾抹烟獨
鶴飛入萬頃雪星稀螢淡碧凝眼飲露吸風清換
骨小兒仰面必會意要貌團圓一旋筆問兒好月
究何似似娘手上玉條脫與話阿耶應記着芙蓉
花梢兩圓缺病牕天色青一幅似剪江光掛空闕

我今不眠眠有夢丹漿青翰興飛越入門速使添
我衣灌頂冰壺驅肺熱

偶還村莊見漲後芙蓉已復作花而鄰里
居人頻驚徂謝感而有詩

折折清江曲入村芙蓉幽怨欲爲言開當雲露驚
心目遠憶風波失所根山木有枝歌擁拽古祠呵
壁寫招魂一秋人物相搖落花汝應知天地恩

客牕見城上艸

坐看城上艸病緣以芸黃閑館閉秋色涼風吹夕

陽高宜清露切上有白雲翔昨日王孫意淒然出
故鄉

鳳凰岡歌

鳳凰岡名義則那上不爲巢下不能營窠頭低尾
轍喚風雨風雨幽靈連白鷺新風三日江刮波浪
幅如帆鷺巨艦幾疑水師營下之戰艦大象徹底
行何磯謂之爲鳳何至此曾不如鳧翁江上風蓑
蓑昔時祖龍騎虎馳八極或咤其下定有乖龍磬
鞭之泐泐不肯起今且血赭淋陂陀或云鯢魚未

風化僅露其背圓番番不然鯁苔涎甲負山立直
是神物可渡鄱湖鼉昨者捩舵一墮此盲風軋石
船旋渦蘋汀蒹港苦捎撇一葉掀舞如渾脫是能
障水不障風浪飛欲吹松杪過元冥吁嗟卷千里
山乃不敢與水爭巍峨須與風水雨無作碧天揭
江清鏡磨三山夕陽一抹下東海山水正赤平不
頗浮屠汎汎卓我筆上吐紫雲濡絳河

憶村中芙蓉

一度芙蓉五日歸多情天氣與晴暉水雲夕照依

依靜籬落寒江眇眇稀佳節幾時秋遂老勞人有
夢病相違驚心祇在城頭樹紅葉如花萬點飛

紅樹起興

紅樹天青映碧城
瑤琅吹葉瓦波鳴
縫裳十載攬
攬手促織虛堂在
在聲故竹嘯風幽
鳥夜小
藤垂
月晚花清道心自倚寒巖樹
病不歸家苦有情

客病小庭暮立仰面得句

暮庭雲急帶高禽
城外秋江碧玉深
乍可寄茲千里翼
冷然將我八溟心
蒹葭故有盟鷗夢
跼蹐行

爲鑑井吟便卷詩書歸亦得汀花烟水片帆陰

贈丁仙植

時爲予治病
在觀音禪院

滿院秋光人淡然菊明蝶淨欲寒天病談心本團
圞月瘦約衣痕瀲灩烟屈伏我成剛百鍊老蒼君
是艾三年相將藥鼎茶鐙側錯莫寒山拾得禪

題畫秋亭夕照

秋亭受夕照喬木老不雙蒼蒹致精恬數筆風滿
江昨夢脩竹下斜籬闌南牕自覺境過幽愛此吠
月庵

五山烟漲圖

六月偶至縣城漲甚失路從黎村出望縣城諸山致佳追

畫之

孤篷漲迷路問津出黎村白是碧鑑天黑是松嶺
雲浮屠兀高巖離立雲中君何人山上亭外指烟
江昏見我幾寸帆仄如鴉影翻我枕寒忽動潑青
山一痕

長歌行贈虛舟

我忽不樂呼虛舟一哭未破十日愁
茶然疲役過半百汗下底事能千秋
我昔詩歌騁雄溢逸馬烟

蹄氣橫出風騷未解相激昂何李徒然受鞭撻中
年迴首了高興四體投地向真實真實聊從初地
起安排豈到寥天一冀能水措枯樹肘或可功成
璫子骨事今破甑知無補老喜運斤還有質虛舟
少於吾十年眉宇遂覺道氣尊平生所學金無礦
萬物歸根河恃源嚴城秋寺對榻眠花竹影繁燈
火昏話多今昔極哀樂醒後人天空夢魂城西書
屋兩版門葯房版門書屋海上樵子百花村十年生別三
年死逝者心憐病者存衰謝傷心口銜碣文章取

喻身如筏向來甘苦成嗅風安得中邊同食蜜何
者爲崔嵬身後萬古名何用兀兀屈首老明經故
人已作鼠肝化我輩亦等鴻毛輕爲誰悲歌爲誰
弔氣動愈出無由平秋風浩浩城頭樹吹作翻江
揭海聲

齒落

不求大嚼朶吾頤諸苦深嘗樂遠離漸漸不容如
瓠落嗷嗷之食學牛呵幸無白髮安慈母慧有青
睛與小兒齒汝棄吾吾棄汝蒼蒼天濶片雲遲

客舍李秀才見訪欲爲其平章婚媾

獨臥西風葉到床
苦吟高樹競清商
圓好月波烟玉淖
約佳人冰雪裳
桐井淺絃勞舊綆
洛川微步薦吳璫
故知司馬求凰病
早囑雲英竊兔霜

夢中歸櫂

風旗汎潑滿城涼
夢緒飄飄一葦杭
穉黃雲水田月蒹葭
清露蘼橋霜食如牢
斂分妻爨別計莎
雞俟我堂萬戶
侯祇千樹橘
無名人有五垂楊

贈李徵士遜芳

情

卅載知交首重迴壯時雙屈老虺殲九淵壺子全
生理三籟南綦獨死灰吾道委形堪陋巷詩心和
氣上春臺紛紛門外翻雲雨閉戶先生笑舉杯

和前輩登五層樓寫懷示諸公之作

烟光九點五層樓地盡天開大虎頭西景飛騰今
日暮東溟來去古時流滿江花月真香市卅萬城
門此廣州重得景純來望氣衣冠蕭索海山秋

甘道淵

運源

見訪旣而岡州人送香橙至

遣送一籃并係以詩

六年上考一彈冠頭地才名歇後官風葉破扉金
雨掩秋雲清句暮天寒書成奉橘霜初降君亦爲
儒味馨酸急爲作詩宗武誦與拋三寸逐金丸

正藍旗人七十
始生子始就官

道淵老人以自寫空巖宴坐圖索詩贈以

長句

青藤紅樹合兩崖忽有猿猱吟崔嵬吟猿隱耳去
未已麋鹿嘒嘒來于思六年以前于思來此山此
人伊可懷乃如長白不易見三韓雲海心無涯六

年一昨交臂才咤欲墮舌收不回薜蘿垂膺鬚匝
髮邱壑滿面顴窠顙藐姑淖約但飲霧老子中央
如立柴黝石渾渾壁削鐵青雨漠漠衣及苔招之
不轉呵不背其影入石心如灰寒巖枯木暖氣迴
忽生爾稊度爾材或言壅腫稱櫟社或言郁烈勝
栢臺濠上畸人得莊惠梁園老客空鄒枚
君嘗侍禮邸
五仙客舍門不開門前落葉迴風堆我真有病此
虛室心亦無火守大槐自惟憂患得生者君今酒
濯真熱哉問君昔者林巒隈可挈竹杖雙芒屨何

年了事又撒手撒捩猛火辟歷雷入于南海風穴
盡賸恐北山雲壑哀不然羅浮與子偕上可東面
呼蓬萊鐵橋萬仞與垂足海水一泓看瀉栢君前見懷
有羅浮看扶桑句

桐心竹詩四首 并序

竹之生貫乎桐之心有君子投契之象焉亦
異矣然以平等觀之桐自空也竹自迸也如
水之赴渠渠未成水亦東西南北流耳何異
焉爲之詩歌以咏之畧其異玩其象意者其

有祥徵歟首爲道其來由中寓言爲問答而終以瞿曇無分別之旨蓋希風乎靖節形影問答而決於神釋云

石氏植桐竹自嬾幽人廬桐老空其中新竹傳舍居異物而合體巧入環中樞不知造物者何爲此拘拘旣喻楔出楔元以虛集虛雍雍文鳳來宜有覆翼雛遂喜棲有託不憂食無餘西風昨夜至落葉空前除仰面不見月月影仍扶疎颼颼動秋陰益見材爾殊童子誤聽秋謂聲在機欄不者纖纖

葉附此亭亭株

竹君語桐君道者懷若谷子今虛其心我爲實其
腹與子其地同附著異械樸相親漸相摩氣類成
一族人謂我無角我竟穿爾屋秋陽晃爾顛我則
衛爾足嶢嶢百尺枝何遽看爾禿君免鼠墮戶我
似箭在箛旣入出而陽有與生使獨古人重臭味
絲蘿且喬木同心齊所願霜天厲寒綠

桐君謂竹君與子膠漆交相好毋相尤物我均與
胞我固不可遷子來不待招我節今在外如與子

同袍汝節今在內使我精不搖是非無成心死生
爲一條不使內落籜吾寧外早凋汝榮不我衰我
本得爾標同聲共腸胃而成此調刁庶乎樂出虛
勿類土實瓠他時我爲琴以子爲比簫遑問絲不
如與子諧英韶

一知在忘言桐竹毋熒聽一與言爲二卽非自然
性我無分別法與爾安心竟于以正彼生由此生
者正兩體子母爲銅山洛鍾應孕如佛指腹縛似
僧入定下有苔同岑上有鳥共命吾知名園主寓

物幽賞併不類相爲類何復有爭競吉祥止所止
知止得殊勝地萌桐竹孫穎脫冰玉映右詩爲城
作也石氏園林有此異產爲詩社以徵題咏一時
作者數千人予不獵兔于詩社者幾三十年偶一
爲之遂拔其前茅乃撫軍大中丞朱學使大狀戴
兩先生所錄謂賦物而有名理此雖遊戲之作聊
復存之

漫書六絕句寄家人

滿城風葉一燈闌筆影搖搖古壁寒許是書生真
樂境病情吟趣夜漫漫

嬌兒上番月圓時囑寫玉盤差中規今夕樓頭月

又滿與娘新受阿耶詩

阿娘嘗有嘲我辭無病無夢君無詩諸病百年圓
一夢輸他飢食困眠時

城根得月一墀方墀下哀蛩亦得霜并處苦吟如
井底不知天海作何光

香霧雲鬟我有吟北風褰帶汝無心倘看憔悴東
籬菊月到花根蚓竅深

幾年明月小樓前俯砌芙蓉弄紫烟看過拒霜遲
暮了滿村紅葉展江天

薄暮走筆東道淵老人僦寓阿婆塘二首
高樹葉丹黃坐疑延夕陽遙知暮鳥影下墮炊烟
蒼靜者愛秋水懷人茲一方登樓老子興得月阿
婆塘

他時此賸水得姓可甘泉上有蒹葭露下爲鴻鴈
天池塘夢昔昔濠濮話淵淵知爾心如月分光病
榻前

四更

風起蘆花高滿城如夢飄月樓看漠漠雲渚想迢

迢歸鶴是何世聞雞知候潮微寒醒奈得無爲但
無聊

夜半歌

北風卷地雲奔馳高作波浪銀灣吹低或掠過城
樹枝上有明定之月看如飛下有萬家夢中笑泣
無人知城南病客當是時靜心與月交員輝披襟
起來夜何其樹杪一兩葉葉底烏夜啼葉上出沒
斗柄窺人歆天象巖巖正氣肅志士履霜毋自欺
不知大城中幾人同此無邪思魚鼈鼈雞膊膊智

慧山萬物作車輪
碌碌歸碌碌先生客
帳懸水薄塊然而臥
復大朴乘眇莽鳥遊
廣莫大千世界吾守
約

贈別石帆兼寄紀明府文溪

曾藻

興至而來興盡還他山
今好作家山惟吾與汝
非材罪千里投公作語
蠻身亦短衣歸杜曲心
隨明月落蘇灣

貴縣對江汎地

東風遙寄神明宰
西笑長懷淖

約顏

讀趙明府渭川詩集有文琴絕句三首感

懷書寄渭川鄴中

慧絕文琴十五年侍兒的小名傳珠跳白傅徵

歌地

度曲徵歌白傅同詩中語也

花落維摩解語天

所說經譯天女云爲

口夢蝶抱漣鳥足葉戲魚泣謝屋湖蓮自嗟與物

同衰暮撥盡心灰獨不燃

萬明府華亭相訪甘分司道淵亦在座

莫怪樵夫骨相屯支離糊口遂勞身坐無禮數三人笑病復心陽十月春金石隱畱詩後響藥煙濃拂塵邊塵久要不忘何妨別古處相交豈厭新

中夜起行徘徊得句明日訂蘅圃聖田白

雲寺探梅

風響空庭落露巢月明白地寫霜梢鵲飛鶴唳三
城曙鍾繁雲繁十月交明日籃輿買桑落北門蒲
澗上梅塢羅浮春事無先後寒瘦詩心稱島郊

十月十五夜步月欲往訪何蘅圃聞其圃

中亦有梅花故自欣然以病後不良於

行亦自中止作長句寄題其壁

北風吹雲掃重黥中天見月如寒潭自爲畫人抱

冰雪愛此夜氣凝清酣萬人海上波旣靜官樹藻
符空明涵廣衢潑永人墮鏡波浪攪作吾衣衫幽
寒不阻老子興別墨欲與畸人談北門詩翁作老
圃十畝桑者休長檣熒熒吟燈出竹屋一點定光
如佛龕故人已類退院衲獨處又似拙菴蠶中園
大樹拾枯朽亦可茶竈供清甘霜籬晚綴九月菊
十月早有梅苞含滿城塵夢萬苦樂獨此吹破花
二三長衣籠袖影極瘦青眼刮膜天微藍城南八
月留飲處有客病髮霜絲毳君今廻首秋雨下可

億石鼎并石帆石帆詩氣橐籥壯乃可鼓動花巉
巖吾詩有得或一句嚴淨亦復神明勘如斯消息
天地內不許軟足行一探出門百武去何適街西
落穆敲僧庵懷人不能一賈勇司夜又咤籃輿擔
行行負手喟仰面落葉鏘如巾墮簪四維虛空不
可見心與鳥鴈飛向南南方水雲一萬頃歸趣浩
蕩無人監御風泠然換道骨清夢曉浴西山嵐

月夜

明月嚴城獨岸巾中庭扶病影相親烏鵲警醒偏

青蓮集卷之十四
辭樹風露高寒漸中人幾夜夢多嫌斷續晚籬花
少益精神山妻可以梅妻瘦瑟縮烟梢黯淡春

暗記人家牆頭竹

水月仙湖一角冥高雲陰處小亭亭立聞笑語鬢
沾綠步驗流連燈閃青誰共空庭如白水傷然霏
露似涼汀傷秋宋玉無春思夢隔重山六扇屏

明夜與友人重經牆頭竹已而竹下啟扉
嫣然一顧友感於微波而無所託也戲
以贈之

高有空雲下綠蕪
惜惜歌管竹風呼
梁閒可要雙
雙燕城上深妨夜
夜鳥生澀柳枝窺
少叔迷離桑
葉見羅敷仙湖祇
隔盈盈水與咏勾
畱是此湖

友人欲拉予訪墻頭有竹人家予爲賦家園竹亦申禮防使之自持也

憶我門前水天綠
病軀竭問平安竹
高空泓崢月皎皎
暗鵲驚飛霜簌簌
此時水涸溪魚瘦
任與風天戛哀玉
藥煙閣外傷心地
舊夢荒荒空古屋
衆香亭亦竹一束
翠袖天寒在空谷
攜子閑行忽眼

明竹外梅花媚幽獨

落日

夕氣起蓬蒿塵光息衆勞
碧雲照人合鳥鳥極天
高過去成今古將來寄鬢毛
青燈閉門夜壁影立
長袍

獨夜

獨夜正懷人虛聲葉打門
城深見月小星澹倚螢
溫雨似風旗潑蟲偏古屋
喧封侯已無夢睡息靜
存存

正夫以葯房遺照屬予補景太息成咏
十年夢不此分明又恨無言夢有情今日置之邱
壑好此人猶似玉山行餘生孝友需來世千劫文
章豈大名俊健獨亡衰病在逾時無夢疚婢婢

鵲羹

并序

病氣多勸予食鵲而炙其骨以和藥且可已
頭風旣得果惡鳥也畜之夜中嚙嚙作怪聲
羹之甚美是多殺不爲虐作詩云爾

倦乞醫門艸木靈聊依掌故試鵲羹殘形見首神

明恐旦氣萌心日夜生達觀笑論哀鵬賦惡陰聽
射訓狐聲連朝羃羃南風霧招得虞人擊析行目鵲
畫盲弋者擊小析尋之鵲聞析似類呼之音
亦自呼因尾之而網取焉搏之則傷人也

古意贈友

海水枯桑各自知勞遲燕疾不能齊長卿白首懷
琴畔小杜青春付竹西傍地雄雌迷顧兔懷人風
雨有鳴雞癡雲蕭索窓閒曉冷月尖纖柳外低

作寒

烏叫兒哺鴈叫羣窓中城上浩風雲掠簷雨點關

門早入夜江聲拍枕聞病意未寒陰蕭蕭物情需
復靜芸芸威嚴再乞松山雪一蕩炎方大澤焚

聞鴈

不過鄉關聞鴈聲低雲如墨壓寒城幾人風雨青
燈宿而我江湖白髮生南出虎頭驚地盡俯窺鴉
背見霜明稻梁去去祇容飽族類啾啾空訴情

觀碁

并序

僕不解碁直大不解非不能而已也平叔往
嘗習無錫風尙以金爲注而邀工奕者奕已

則旁坐而竊其國能以爲樂予謂嗜此凋弊
同於聲色而反得苦趣坡老以勝敗欣喜爲
達其理僕未達自有可欣以喜者不以倚人
也偶見爽憶往言作詩寄平叔和

靜中泰宇不天光牛鬪翻成蟻撼床曲肘我方完
一局險心凡已告三亡試令相士窺憂樂忽爾觀
空現火湯至竟回頭兩何有不知風力到枯桑

憶梅五首

今宵衆香亭花影晰可數孤邨夜寂寂風月太清

苦老梅數點烟一笑出籬塢風情益而韻寒意驕
欲語

一枝俯溪水照耀天倉浪灼灼鮫人珠不要明月
光林白鳥避影氣嚴人不狂亭亭萬丈下時有孤
雲翔

樵夫喜開關獨處存夜氣三五墻頭花洩我古春
閨我臥寒未起好事外已至先生靜菴菴行獨花
亦厲

晚坐我亭上慮淡天自清離離暮竹外楚楚老眼

明蒼茫昔年夢黯慘故人情自哦咏懷詩亦未稱

達生

見丙午詩

去年眼力盡寥落不成花今年報花開臥病且離
家風恬城樹靜夢冷江月斜門內參欲橫門外官
上衙

聞笛

月出當心城上烏爲誰吹笛盡情呼聲塵二者何
哀樂心跡中年驗鬢須驟使漫雲激波浪靜繰游
氣匪虛無君知向秀傷懷極不向虞淵促日晡

落葉

城上管樹
一株甚大

八月初驚漸葉鳴中冬竝日接宵零愁眠伏枕真
成雨秋氣終年颯滿庭陳跡供詩題數數歸風聞
道想泠泠飛鳥影外空枝白寒蛭吟邊病草青

予以古意詩贈友有沃面之醒而和予詩

復作一首重美之且以勗之

蕩子歸家自可貞詩人賦物乃多情靡蕪艸色新
猶故迷迭香烟死後生忍說撻蓬桃李面傷心弔
月蟬蛄聲鴛飛錦水烏銀浦凝絕牛郎病馬卿

送謝孝廉佩士

蘭生北試

漸老年來漸畏人
修名遲暮始憐君
青瑣晚歲還陰雨
黃鵠朝陽蒸慶雲
力命不爭歸白業
嘲疑交獻悔元文
中原立馬應廻首
惜我河沙後日分

羅浮陳道士別二十八年今約可百歲道

流時或見之作詩遙贈而已

昔看羅浮雨平吹滄海雲
誰知雨上月獨照雲中
君老桂古壇墮白猿
青壁聞舊逢惟落漠
今遠話幽芬
艸艸將歸路
纍纍直視墳
鶴聲知訪道
霞色

想殘醺我有南華注師函五岳文他年瓊笈合二
楊石樓分樽泛虛乘瓠風生直運斤無爲吾自試
先不亂鷗羣

贈同年黃舟山

其勤

廣文

峭骨寒松自有柯苦心秋士亦能歌生平今世斯
爲盛學至中年喚奈何鮫室詎勝珠海月璿源須
灌玉山禾官尊擊析君干祿舟訪論詩我在阿

甲寅長至

時序已長至病軀隨小康寒門遙乞雨

時屢
祈雨典庫

緩儲囊老穉榮魂夢鄉關有阻長稍聞米價落歡
喜視蒼蒼

甲寅冬屢作寒不成長至日亥子之交忽

天風乍寒而南方樹木半已舒萌矣

城樹勾萌綠漸深秋聲忽似到春林今年長至猶
奇暖半夜微陽肅至陰洩發不時元地氣芴茫有
象是天心虛牕未辨風雲色一粒寒檠靜擁襟

長至節有作

靜候沈潛入地春悲風蕭瑟過枝雲樹留暖氣趨

長至灰應心陽動夜分慈母望兒歸昨夢薄田供
祭失秋耘今年秋漲失種嬌孩自解隨娘拜家禮何嫌大
布裘

腐儒

老馬不識路達人成腐儒昔時北宮黝老作南榮
趙白髮江湖迴青雲學術迂論詩還中肯其義竊
康衢

獨吟

不寐息深深羊裘擁獨吟城烏飢呌曙海水凍成

陰樹葉地雷復梅花過去心感時聊見道觀化不
離今

寄致師問所種新分諸蘭本

殊方習同氣深根遂寧極幾日天乍寒冷然瘦逾
碧香苞土膏煦踵發道機寂雲臥僧于于月徑蟲
脉脉可念病居士四大虛室迤俯仰昧節候藥物
費心力時於城樹杪一驗風雲色花時漸已近客
子歸亦得艸木有和樂庶與靜者識

復作憶梅絕句六首

日暮天寒閉大城，碧雲才合月才明。
知君獨倚梅花立，不必吟詩品已清。

纖纖初月送殘年，漠漠江邨月更寒。
梅花竹葉玲瓏影，指與嬌兒作畫看。

南天還有作寒時，留得梅花向北枝。
幾朵花梢一年月，可憐遲暮與佳期。

昨日披裘暮獨行，牆頭官樹一枝橫。
無情笑客有情怨，怨斷貴人歌管聲。

十月梅坳費病吟

前有約何李二君看梅詩

煙苞花蕊月成林

推烟唾月拋千里

義山句

流水空山住此心

曾澆玉水灌璇源香國諸香歸我妍居士檀金歡
喜地化人笙鶴始青天

輓郭山人

適

古蹟今朝就樹堂年年相見見蒼蒼昨來乍怪神
明泣此去真無巖壑光法物病肱藤笈盡山杯風
牘竹根香樵夫半百論交淚服藥題詩倚客床

其詹北試且謁選贈之

老馬長途更着鞭素衣聊復入長安徑須白首飯

千佛粗亦青氎寄一官蘋艸春汀江氣暖雲沙書
景柳陰寒知君擊碎銅花鏡爲我遙歌行路難今
曾與約同北行以貧病不果

亾友張孝廉玉階

世泰

能詩今聞都散失

作詩哀其人

絕怪台州博士虔高才不以一詩傳蒼黃垂老無
家別骨肉東西瀉地泉直是枯珠還合浦誰將哀
笛叫虞淵歸魂識路防飛墮風浪無時濶似天張
教諭合浦旣滿而歸才四十許而衰顏茶然隨以
家事急還廉州疾作而死未幾時其妻亦死兄弟

各散
一處

仙湖客舍七月時其詹書促予來同居旬
有餘日而歸歸約予同北行至是其詹
與楊孝廉蘅澧澄同舟予竟亦不果行
爲作畫贈別係之詩并贈楊孝廉有複
韻有古韻

此屋今年秋君住待我來暮冬君北征却來送吾
歸我歸君遠行脉脉悵有違青山將白雲去住相
因依請陳歸者心度臘春熙熙上有鮒背母下有

鴉角兒今年雖無田苟亦不寒飢春酒衆香亭忽
憶君年時舟楫犯風濤雨雪結鬚眉至今拂不去
其白猶絲絲登堂拜我母轉身抱我兒春寒閉閣
飲問我北行期蹉跎逾兩年諒惟君得知不自應
廷試送君赴禮闈請申君此行特達非常規

神堯未倦勤爲國儲英材今日南士中屈指非

子誰亭亭榎楠老烈烈風霜姿平生所學問三策

陳天人而中霄叩鯨鍾大聲克兩儀庶知蘇司業

可爲多士師善進光有孚善退道莫違贈行兩雲

山各以古意爲胡馬依北風越鳥巢南枝一以貽
楊蘅一君以自隨蘅也補生員與我同一時當時
二十人此君年最卑青衿十七載今始一鳴飛交
親亦旣久學行能勿欺同舟得李郭作劍爲雄雌
丹崖與綠壑臨行留誓辭名山有實業勿忘當念
之茅屋何深深我獨中栖遲著書傳何人二子信
不疑贈言慎舟車勉力爲臯夔已和卿雲歌復賡
幽谷詩

趙明府渭川以漢瓦當一枚及朱揭瓦當

文三十欸裝十軸益以錢氏題識二軸
見寄爲作歌

關輔漢畿之六鄉塏土爲屋燒赭岡秋帆尙書畢
沅生督甘陝曉月輾轉瓦礫塲聊從野人得一凶形
逼盤洗聲璆琅員界四隅凸繆篆亦爰書義縱斜
行始驚世有西漢躋斟酌斯法圍向方錢坵獻之
好奇古續得卅當矜最詳初錢得當便試搗搗不
妥帖槌妨傷當臍輒阜若鏡鈕泉肉四薄郭四昂
遂模於土鑄以錫殺齟齬亦柔其剛自時瓦當喜

得代而以範當勝槌創故人趙君曰希璜痴嗜亦
與錢頴頴山西興縣改鄴縣鄴故銅雀臨清漳立
河沙界浩嘆息但誦魏賦神彷徨欲就老瞞乞一
片願似生妓分餘香不可驟得作去聲官去官好弄
瓦如弄璋南憶病樵寄一當得自長安非許昌其
文昔年已習見雲隱摹以元雲肪雲隱摹作硯者
卽與此文無異
長生無極土較石一勢鸞尾娑娑翔外茲十軸懸
我墻合三十當金玉相洵乎素壁碧海水卅日幻
出熊熊光又如羣帝雲霞裳作天人語皆吉祥與天

無極億年無疆永受製之益鉅辭益莊其斯天子

嘉福長生無極等文

又甘林

之明堂餘文約畧可實指甘泉上林并未央

又甘林

泉上林及長樂未央等有爲便當僅一字得勿便殿如芝房

當時夜半召賈傳恐亦鵠立於巖廊有爲宮當亦

一字蘭林蕙草連昭陽秦時明月漢宮怨月下簷

隙窺王嬙有爲祿甲天下者或丞相府諸侯王司

空農官及右將都司空瓦四字上林農官四字右將二字要亦府寺名

得將有爲金當與衛當吁嗟不乃逢霍張功臣第

宅製差小可槩聲勢之焜煌人間一字足涕泗儼

見石馬眠北邙揜依中庭暨東樂

揜依中庭四字東一字樂一字

等

未敢附會夸枯腸足知西京全盛時氣象百二

開礧礧六書佐吏小道耳萬力千氣文文章今徒

手腕乃疲茶詎可數寫

去聲

猶迴強流觀朱本復玩

瓦漢火已滅冰

去聲

手涼負天絕地會雲雨沐日浴

月纏冰霜二千年中入地底不知地上滄爲桑六

朝趨唐五代宋龍虎戰血侵元黃入深已作劫灰

黑得水又發苔斑蒼我今琢瓦復作石與石琢瓦

遙相望好事初皆故人意不飲絕勝攜酒漿畸人

詩心濶渺莽方寸萬古橫迂荒昔昔殘月曉風下
踽踽破塚遺墟傷我初見瓦陰有識或鄴侯何留
侯良今之種種不及此此特贗殖徵故常屢疑得
信意淒遠淚入涇渭流湯湯瓦今大覺吾大夢夢
走秦塞畔其疆揮鋤不覺仰天笑俯收滿月中懷
藏北倉持麩謂南獠何如我麩饑可糧

五百四峯堂詩鈔

卷之二十四終